

دين اسلامده منع مسكرات

بسم الله الرحمن الرحيم

الحمد لله الذي نهى عباده عن كل ما يضر وامرهم بكل ما هو النافع
والصلاة والسلام على النبي الذي بين الحرام والحلال على ما وحي اليه الشارع
وعلى آله واصحابه الذين اتهموا عما نهوا وتمسكوا بما امروا على ما هو الواقع .

مسكرات

مسكرات: كرك صلب و كرك قايع مطلقا سرخوشلق و يرن شيلردره .
ازمنه قديمه دنبري مسكرات استعمالی افراد بشريه آراسنده معروف
ایدی . هندده ، چينده ، روماده ، عربستان وبلاد سائرده مسكرات
استعمال اولوردی . وحتی اوائل اسلامده خمر و سائر مسكرات مباح
ایدی . مسلمانلر ايجر لر و آلوب ساتارلردی .

حضرت فاروق ، معاذ واصحاب كرامدن دها بعضيلرى (رضى الله
عنهم) رسول اکرم (صلى الله عليه وسلم) اقتدمنزه كيدوب (يارسول
الله خمر عقلی ازاله ، مالى اهلاک ايدييور : آنک حقنده بزه برفتوى
وير) ديديلر-

بونک اوزرينه سورة بقره نك [۲۱۹] نجى (يَسْئَلُونَكَ عَنِ الْخَمْرِ
وَالْمَيْسِرِ قُلْ فِيهِمَا إِثْمٌ كَبِيرٌ وَمَنْفَعَةٌ لِلنَّاسِ وَإِثْمُهُمَا كَبِيرٌ مِنَ

نَفْعِهِمَا = ای محمد سکا خمر ایله قماردن سؤال ایدیورلر . دیکه :
 بونلرده بیوک کناه، عظیم ضرر واردر. ناسه بر نوع منافعی اولسه ده
 بونلرک مضرتی منفعتدن پک چوق وپک بیوکدر) آیت جلیله سی شرف
 نزول ایده رک خمرک مضرتی نفعتدن کیت وکیفیتجه زیاده اولدیغی
 بلیغ بر صورتده بیان بیورلمش اولدی. فقط حرمتی تصریح اولنمیدن
 (ائم کیر) قول کریمنه نظراً اصحاب کرامدن بعضیلری ایچکی بی ترک
 ایدوب ، دیکر بعضلری ده (و منافع لئاس) قول جلیله سی نظر اعتباره
 الهرق ایچمکده دوام ایتشلردی. بر مدت صکره عبدالرحمن بن عوف
 حضرتلری اصحاب کرامدن بعضیلرینه ضیافت ویردی . خمر ایچوب
 سرخوش اولدیلر . ایچلرندن بریسی امام اولدی . نمازه دوردیلر .
 امام اولان ذات (قل یا ایها الکافرون لا اعبداکعبدون) دیه او قویه حق
 ایکن سکرک تأثیریه (قل یا ایها الکافرون اعبداکعبدون) طرزنده او قودی .
 بووقعه اوزرینه سوره نسانک ، ۴۲ ، نجی (لا تَقْرَبُوا الصَّلَاةَ

وَأَنْتُمْ سُكَارَى حَتَّى تَعْلَمُوا مَا تَقُولُونَ = ای مؤمنلر سز سرخوش
 اوله رق نمازه دورمیکز. دورمزدن اول سویلدیکنزی بیلمدکجه) آیت
 جلیله سی نازل اوله رق اوقات صلاتده سکر حرام قلندی. بوتار یخدن اعتباراً
 اصحابدن مسکرات استعمال ایدنلر پک آز قالدی. ایچلرده اکثر یا تاسو
 نمازینی قیلدقدن صکره ایچرلردی .

بوندن بر مدت صکره (عتبان بن مالک) مهاجریندن سعد بن ابی وقاصی
 انصاردن بر جماعته برابر دعوت ایتدی ضیافته مسکرات استعمال
 ایدوب سرخوش اولدیلر . سکر تاثیراتیه تفساخر ایتدیلر ، اشعار
 او قودیلر (حضرت سعد انصاری) هجوه دائر بر شعر او قودی ، انصاردن

بررسی دومتک چکه کمیکی ایله (سعدک) باسنه اوروب یاردی. سعدرضی الله
عنه رسول اکرم (صلی الله علیه وسلم) اقدمزه شکایت ایتدی .
پیغمبر ذیشان اقدمز حضرتلری (اللَّهُمَّ بَيِّنْ لَنَا فِي الْخَمْرِ بَيَانًا شَافِيًا
= یاربى بزه احکام خمرى شافى و قطعى صورته بىان بیور) دیهدعا
ایتدی .

ایشته بودهای رسالتناهی اوزرینه سوره مائدهتک (۹۳) نجی
[يَا أَيُّهَا الَّذِينَ آمَنُوا إِنَّمَا الْخَمْرُ وَالْمَيْسِرُ وَالْأَنْصَابُ الْأَزْلَامُ رِجْسٌ
مِنْ عَمَلِ الشَّيْطَانِ فَاجْتَنِبُوهُ لَعَلَّكُمْ تُفْلِحُونَ إِنَّمَا يُرِيدُ الشَّيْطَانُ
أَنْ يُوقِعَ بَيْنَكُمْ الْعَدَاوَةَ وَالْبَغْضَاءَ فِي الْخَمْرِ وَالْمَيْسِرِ وَيُصَدِّ
كُمْ عَنْ ذِكْرِ اللَّهِ وَعَنِ الصَّلَاةِ فَهَلْ أَنْتُمْ مُنْتَهُونَ = ای مؤمنلر
خمر، قمار، عبادت ایچون منسوب بتلر، قمار او قلری شیطانک
تسویلات و تزیناتندن حاصل اولان نجس و مردار شیلردر .
ایمدی بونلردن اجتناب ایدیکنز که نائل فور و فلاح اوله سیکز .
شیطان خمر، قمار ایله سزک آره کرده عداوت و شدتلی خصومت ایقاع
ایتمک و سزى ذکراللهدن و نمازدن ایقویمق ایستر. ایمدی « بونلرده کی
دنیوی و اخروی شرور و مفسد کشف و بیان اولندیی حالده »
دها اجتناب ایدوب و از کچمه جکمیسکنز] آیت جلیله سی نازل اوله رق خمر
صورت قطعیده حرام قیلندی .

(فهل انتم منتهون) نظم کریمی نازل اولنجه حضرت فاروق (عقلی
سلب، مالی اتلاف ایلین خمردن و از کچدک و بوکا دأر وارد اولان
پساعی قبول ایتدک] بیوردی . و درحال اصحاب کرام حضرتانی

اولرنده بولنان مسکراتی دو کدیلر، قابلیری قیردیلر، بردها مسکرات استعمال ایتدیلر. انس بن مالک حضرتلری دییورکه: خمر حرام قلندی کون اصحابدن ابو عبیده بن الجراح، ابوظلحه، ابی بن کعب ودها بعضلری ابوظلحه نك اونده شرب خمر ایتک اوزره اجتماع ایتشلردی. بن سناً اک کوچکری اولدیغ ایچون آنلرک ساقیمی ایدم. اوکون آنلرک ایچدکلری خمر فضیخ یعنی خورمه دن یا بیلمش شراب ایدی. برکیمسه نك ندا ایلدیکی ایشیدلدی ابوظلحه بکا «چیق باق» دیدی «خانه دن چیقدم برماندینک» «الَا إِنَّ الْخُمْرَ قَدْ حُرِّمَتْ» بیلکیز که خمر صورت قطعی ده حرام قلندی «دیه ندا ایلدیکنی ایشتم و کوردم. مدینه سو قاتلرنده بو اعلان سایع اولدی.

ابوظلحه «یا انس شو خمری دوک، کوپی قیر، دیدی «بن ده هان کوپی قیردم، خمری دوکدم» بیورمشلردر.

سوره مائده نك بو آیت جلیله سیله اوچ جهندن خمرک حرمتی بیان بیورلمقده در.

اولا — «رجس من عمل الشيطان» قول جلیلی ایله طرف شارعدن خمره «رجس» یعنی نجس تسمیه اولمشدر. بو ایسه لسان شرعه انجق ذاتی اعتباریه حرام و ممنوع اولان شیئه اطلاق اولنور.

ثانیاً — «فاجتنبوه» قول کریمی ایله خردن اجتناب ایدلک اوزره امر بیورلشدره امر ایسه مأمور به اولان شیئک لزومی اقتضا ایدر.

ثالثاً — «فهل اتم متهون» نظم مینتک معنایی «فانتهوا» خردن واز کچیکز «دیمکدر که خردن اجتنابک لزومی خصوصنده امر قطعی در. ایشته بو آیت جلیله ایله صور مؤکده و قطعی ده خمرک حرام

قاندینی بیان و تبلیغ بیورمشدر آنک، ایچون رسول ذیشان افندمن
إِنَّ اللَّهَ حَرَّمَ الْخَمْرَ فَلَا أُمَّتَ فِيهَا = الله تعالی خمری صورت قطعیه ده
حرام قلدی آیده شک و شبهه یوقدر [قاموس] بیورمشلردر. بناء علیه خمر
مفهومی تحتنده داخل اولان هر نوع ایچکینک چوغی، آزی، قطره سی
شرعاً حرام قطعی در.

بخاری شریف شارحی عینی مرحومک تحقیقنه نظراً مکة مکرمه نیک
فتحی یعنی هجرت نبویه نیک سکنزنجی سنه سنده فتحدن اول، دمیاطی نیک
بیاننه کورده التنجی سنه هجریه ده خمر حرام قلندمشدر.

خمرک حقیقتی

فقهای کرام میاننده «خمر» اسمنک شامل اولدینی ایچکیلر حقنده
اختلاف اولمشدر: امام اعظم و امام ابی یوسف (رحمهما الله) حضراتنه کوره
خمر: اوزوم شیره سندن معمول اولان مسکرات در.

خمر اسمی بونده حقیقت، باشقه لرنده استعمال اولورسه مجازدر.
زمانزده اوزوم شیره سندن اعمال اولنوبده شراب، شانپانیا،
ماستیقه، قونیاق، روم نامی ویریلن ایچکیلر نصوص قاطعه قرآنیه
ایله عین وذاتندن ایچون حرام قیلنمش اولان خمر مفهومنده داخلدر
بناء علیه قطره لری، ذره لری حرامدر. فضلات خمردن ویا اوزوم
شیره سندن استقطار صورتیله یا پیلوب ده عرقی (راقی) نامی ویریلن ایچکی نیک
دخی چوغی، آزی، قطره سی، ذره سی حرامدر. بونلره کوره:
اوزوم شیره سنک غیری شیلردن معمول اولان مسکرات سائره خمر
مفهومنده داخل بولنمادیغندن اولنلرک حرمتی قیاس ایله ثابتدر.

فقهای مدینه ایله امام محمد، امام مالک، امام شافعی [رحمهم الله] حضراتنه

کوره : کرک اوزوم شیر سندن و کرکسه باشقه شیلردن اعمال ایدلش اولسون چوغی سکر ویرن هر نوع ایچکی خمردر ، هپسنه خمر اسمی شاملدره زیر اعظم فقهای اصحاب کرامدن عبدالله بن عمر رضی الله عنهما نیک روایت ایلدیکی بر حدیث شریفده رسول اکرم «صلى الله عليه وسلم» اقدمز بیورمشلردرکه «كُلُّ مُسْكِرٍ خَمْرٌ = سکر ویرن هر ایچکی خمردر» [احکام القرآن] .

اصحاب کرامدن نعمان بن بشیر روایت ایلدیکی بر حدیث شریفده رسول ذیشان اقدمز بیورمشلردرکه «أَخْمَرُ مِنْ خَمْسَةِ أَشْيَاءَ أَمْرٌ وَالْعِنَبُ وَالْحِنْطَةُ وَالشَّعِيرُ وَالْعَسَلُ = خمر ، خورمه ، اوزوم ، بغدادی ، آره ، بالدن عبارت اولق اوزره بش نوع اشیادن معمول اولور [احکام القرآن] .

اشیای مذکوره دن معمول اولان اشربه نیک خمر اسمی تحتنده داخل اولدیگی بو حدیث شریفده صراحةً بیان بیورلمقده در . فقط خمرک بو بش سنین معموا ، اولان اشربه یه تخصیصی اوزمانلرده بونلردن یاییلمق معتاد و معروف اولدیگی ایچوندر یوقسه بشقه لرندن یاییلمه من دیمک دکدر . یاخود ایساس اعتباریله کئول بو بش نوعک حاوی بولندیگی نشاسته و شکر ماده لرینه منحصر اولدیقنه اشارت بیورلمش اولسی محتملدره .
اجله فقهای اصحابدن عبدالله بن عباس (رضی الله عنهما) نیک روایت ایلدیکی بر حدیث شریفده فخر عالم اقدمز بیورمشلردرکه (كُلُّ خَمْرٍ خَمْرٌ وَكُلُّ مُسْكِرٍ رَأْمٌ) = عقلی ستر وازاله ایدن هر ایچکی خمردر و سکر ویرن هر ایچکی حرامدر [احکام القرآن]

ام المؤمنین حضرت عائشه (رضی اللہ عنہا) نك رؤیت ایلدیکی بر
حدیث شریفده رسول ذیشان افندمن بیورمشلردرکه [کُلُّ شَرَابٍ
أَسْكَرَ فَهُوَ حَرَامٌ = سرخوستلق ویرن هر ایچکی حرامدر] (مسلم)
افاضل صحابه کرامدن حضرت انس بیورمشلردرکه (كُنْتُ سَاقِي

الْقَوْمِ حَيْثُ حُرِّمَتِ الْخَمْرُ فِي مَنْزِلِ أَبِي طَلْحَةَ وَمَا كَانَتْ خَمْرُنَا
يَوْمَئِذٍ إِلَّا الْفَضِيحَ فَنَزَّ سَمِعُوا تَحْرِيمَ الْخَمْرِ أَهْرَاقُوا الْأَوَانِي
وَكَسَرُوهَا وَقَالُوا فَقَدْ سَمِيَ النَّبِيُّ صَلَّى اللَّهُ عَلَيْهِ وَسَلَّمَ هَذِهِ الْأَشْرِبَةُ

خَمْرًا = خمر حرام قلندیکی کون ابو طلحه نك اوندن قومك ساقیسی
ایدم . او کون بزم ایچدی کمز خمر خورمادن یا یلمش شراب ایدی .
خمرک حرام قیلندیکی ایشیدنجه شرابلری دو کدیله ، قابلری فیردیلر
ونجا کرم افندمن بو اشربه به خمر تسمیه ایله دیدی دیدیلر . (احکام القرآن)
عبدالله بن عمرک روایت ایلدیکی بر حدیث شریفدهده پیغمبر

افندمن بیورمشلردرکه (کُلُّ مُسْكَرٍ خَمْرٌ وَكُلُّ خَمْرٍ حَرَامٌ = سکر
ویرن هر ایچکی خمردر وهر خمر حرامدر] (مسلم) .

کتب سته صحابندن امام ترمزی ، ابو داود ، ابن ماجه حضرت انك
تخریج ایلدیکلری بر حدیث شریفده رسول ذیشان افندمن حضرتلری
بیورمشلردرکه (مَا أَسْكَرَ كَثِيرَةٌ فَفَقِيلَهُ حَرَامٌ = چوصی سکر
ویرن ایچکینک آز مقداریده حرامدور) [مشکاه المصابیح]

بروجه بالا ذکر اولتان احادیث شریفه ایله اقوال صحابه دن کورک

لغته و کرکسه لستان شرعه سائر اشربه نك خمر مفهومی تحتنده داخل اولدینی تحقق ایتمش اولور .

برده سائر اشربه خمر مفهومنده داخل اولسه یدی خمرک حرام قیلدینی کون صحابه کرام حضراتی خورمه شیره سندن معمول اولان شرابلرینی دوکمز، قابلرینی قیرماز و مسکرات ایچمکدن و ازکچمز لرایدی . بناء علیه بیان اولنان احادیث شریفه و اقوال صحابه ایله چوغنی سکر و یرن هر ایچکینک خمر اولدینی و خمر مفهومنده مندرج بولدینی ثابت اولمش اولور .

بو ثابت اولنجه چوغنی سکر و یرن هر نوع ایچکی نك چوغنی و آزی، (انما الخمر الایه) آیت جلیله سسیله بیان بیوریلن تحریم خمر حکمی تحتنده داخل اولور . بناء علیه فطره لری، ذره لری حرامدر . مسکرات دیناً حرام قیلدینی کبی عقلاً قیسح ، فئاده مضردر .

عقلاً قیسحدر . چونکه نفوس بنسریه نك درکته بهیمیه تردی و سقوطنه، افراد بشره بخش اولنان نعم الهیه نك ال قیمتداری بولنان عقلک اراله و افسادینه ، وجود بشرک علل و امراض کثیره به دوچار اولسنه سبب اولدقن بشقه عائله و هیئت اجتماعیه آره سنده پک چوق و پک مهم مضرتلرک حصوانه باعث اولدینی ایچون عقول سلیمه بالعموم مسکراتک قیسح و فغالغنه صورت قطعیه ده حکم ایتمکده در .

فئاً مضردر زیرا: ارباب اختصاصدن اولان کیمیا کرلر طرفندن واقع اولان تحلیل کیمیوی ایله ثابت اولدیغنه نظراً : حام اوزوم شیراسی کلی مقداره (سکر) ماده سنی حاویدر . بو ماده کندی حالنده ایکن وجود بشره پک نافعدر . تأثیرات خارجیه ایله اسپرتویه تحول ایدنجه وجوده و عقله مضرت کلیه سی دو قانیر .

آریه ، بغدادی کبی حبوبات ده کلی مقدارده (نشاسته) ماده سنی
محتویدر. بوماده حال اصلیسنی محافظه ایستدکچه وجود بشرک مابه القوامی
ایکن تأثیرات خارجیه ایله اسپرتویه تحول ایدنجه سمدار بر ماده اولور.
اساساً بتون مسکرات اسپرتو دنیلن زهرناک بر ماده بی حاویدر.
خمر یعنی شراب مایه سنده یوزده (۵-۱۰-۱۸) نسبتنده، راقیده یوزده
(۳۵-۴۲-۴۵) درجه ده ، قونیا قیده یوزده (۳۵-۴۲-۴۵)
نسبتنده کئول یعنی اسپرتو دنیلن ماده سمیه وارددر .

هر نوع مسکرات حاوی اولدینی اسپرتونک مقدارینه کوره وجود
بشره ایقاع ضرردن خالی قالماساز . بناءً علیه ماده مذکورہ نك عقل
ووجود بشره مضرت کلیه سی بولسیدینی فناً و تجربهٔ نبوت بولمش
حقاقتنددر . آنک ایچون بالعموم مسکرات فناً مضر صحتدر .

شوحالده استعمالیله بشرک مادی ، معنوی ، فردی ، اجتماعی
صورتلر ایله متضرر اولماسی نجزوم بولسیدینی ایچون دین جلیل اسلام
بیک اوچیوز کسور سنه اول علی العموم مسکراتی حرام قیلاراق بی
بشری ماحی انسانیت اولان بوسم قاتلک و بوبیوک دشمنک مضر تسدن
قورومشدر . فقط بهیمیه انهماک ایتمش اولان اکثر افراد بشریه
عظیم بر لطف ربانی اولان بونعمت جلیله صمدانیه دن مستفید اولمقدن
محروم قالمشدر و قالیورلر .

مسکرتک حرمتنده علت و حکمت

خمرک حرمتی عین وذاتندن ایچونددر. مسکرات سائرہ نك حرمنه
علت ایسه سکر درر . بناءً علیه مسکر اولان هر نوع ایچکی حرامدر.
بونده اصلاً خلاف بوقدر .

حکمت و مصلحت شرعیہ سنہ کلنجہ : خالق تعالیٰ حضرت تبارکی
 بر لطف مخصوص اولمق اوزرہ ای بی فادن ، منفعتی مضرتدن تمیز
 و تفریقہ باعث اولوب دین و دنیا نیک قطبی مثابہ سنده بولنان عقل و ذکا
 احسان بیورہ رق بشری سائر بہائیدن ممتاز قیامشدر . علی العموم افراد
 بشریہ نائل اولدقلری نعم اللہ یہ نیک ال کزیدہ لرندن اولان عقلک
 مقتضاسی اوزرہ حرکت ایدہ رک طریق حقہ اہتدالری لازم کلیرکن
 وادی جہالتہ صابہ رق درکۂ بہیمیتہ تردی و سقوط ، فردی و اجتماعی
 ضلالت و شقاوتہ دوچار اولوب قالمشدر . دیگر طرفدن قوللرینہ
 عظیم بر لطف صمدانی دہا اولمق اوزرہ ابنای بشری ظلمات جہل
 و شقاوتدن تخلص ایلہ دنیوی و اخروی سلامت و سعادتہ ایصال
 ایدہ جک شہراء مستقیمی ، دین جلیل اسلامی اعصار عدیدہ دہ انبای
 عظام و ساطتیلہ تبلیغ و انزال ایتمش و بوضورتہ شان ربوبیت و عظمت
 الوہیتہ لایق اولان الطاف صمدانیہ سی ا کمال بیورہ مشدر . انزال
 بیوریلن دین جلیل اسلام ایسہ ذوی العقولی کندی اختیار لریلہ نظام
 معاش و نجات معادہ دائر بالعموم امور خیریہ یہ سوق ایدر [۱] . آنک

[۱] (إِنَّ الَّذِي عِنْدَ اللَّهِ الْأَسْلَامُ) نظم جلیل ایلہ بیان بیوریلن دین

حق و دین اسلام بوعنایہ در . دین اسلام احکام اعتقادیہ و وجدانیہ ایلہ احکام
 عملیہ و مادیہ بی جامعدر . دین اسلامک منافع و مہالیندن مستفید اولمق آنجق
 احکام مادیہ و معنویہ سنک موجدیلہ عمل ایتمکہ متوقفدر . دینک قواعدینی
 یالکز کتب و اوراقدہ حفظ ایتمک ہیج بر فائدہ تہمین ایدہ میہ جکی کبی آنک
 دنیا و آخرت ایشلرینہ عائد احکام مادیہ سنک مقتضاسی اوزرہ اعصاب و عضلاتی
 حرکت ایتدیرمدکجہ ، احکام عملیہ سنہ تماما تمسک ایتمکجہ دہ یالکز اعتقاد ایلہ ،
 محرد امور وجدانیہ دن اولان اصول دینیہ یہ ربط قلب ایلہ دیندن مطلوب
 اولان فوائد مادیہ و معنویہ حصول پذیر اولاماز . عملیاتہ و دنیا ایشلرینہ متعلق
 اولان احکام شرعیہ اجلا شوئلردر : وجوب ، ندب ، اباحہ ، حرمت ، کراہت .

ایچون دنیا و آخرتده بتسرك تأمین سلامت و كافل سعادتى اولان بالمعموم امور نافعہ ایله امر ایدوب كافة امور مضره دن نهی و منع ایتمشدر .
اجلّ نعم السّیبه دن اولان وجود و عقل بشرك مقدر اولان اجل معلومه قدر دوام و بقاسی ، مهالك و مفاسد دن مصونیتی او امر السّیبه مقتضیاتندن بولدینی ایچون افراد بشریه نك عقللرینی ازاله و افساد ، وجودلرینی محو و خراب ایلین هر نوع مسكرات ایله سائر مضرشیار حرام قلممشدر .

شوحالده مسكراتك حرمتنده كی حكمت شرعیّه وجود و عقول بشری آنك مضرت و مفسدتندن حفظ و صیانتدر .

افعال هبadden هیچ بر فعل یوقدر که بوش احکام دینیّه دن برینه اوغرامیوب آندن خارج قالمش او اسون . هر فعل بیجه حال بوندن برینه اوغرایه جئدر . زیرا آندن خارج قالمش امکان و احتمالی یوقدر . بناءً علیه دن مبین اسلام اور آخربه دنیا ایشلرینه دائر كافة احکامی محسوبدر اساساً دین اسلام بو ایکی نوع احکامدن هر کبدر . ارباب ضالالین بمضیلرینك زعم ایلدکلری وجهله خرسنیان دینی کبی یالکمز اعتقادات و امور وجدانیّه دن عبارت دکادر .

شوحالده بر کیمسه مسلمان اولق ایچون هم آخرت وهم دنیا به عائد اولان اصول اسلامیه و احکام قطعیه دینیّه نك جمله سنی قبول و تصدیق ایتك لازم و واجبدر . بونلرك هیسینی و یا بعضیسنی رد و انکار ایتك و یا انکاره دلالت ایلین برهملده بولتمق ارتداد ، ارتجاع ، حدود و دائره اسلامیتدن خروجدر . رسول زیشان (صلی الله علیه وسلم) افندمرك ارتتالیله زمان وحی منقطع اولدقدنصکره نصرحی قرآنیّه و احادیث نبویه ایله ثابت اولان احکام منصوره نك مقتضاسی اوزره عمل ایتیانلر و آنلری رد و انکار ایدنلر اولورسه ده آنلردن برنی تبدیل ، تغییر الفا و نسخ ایتك ایچون افراد بشره دن هیچ بر فرد ، هیچ بر هیئت حائز صلاحیت دکادر . زیرا احکام دینیّه دن بر حکمی نسخ و العا آنجق واضح شریعت اولان شارع اعظم حضرتلرینه عائد بر حقددر . افراد بشردن هیچ بر فردده بویه برحق و صلاحیت یوقدر و اولاماز .

بناءً على هذه الافراد بشريه دن ولو بر فردك وجود و عقله مضرتى دو قومان
مسكرات هر نه مقدار اولورسه اولسون حكمت حرمت تحق ايلديكى
ايچون شرطا حرام و ممنوعدر .

مسكراتك منافع و مضارى

مسكرات : دنيوى و دينى ، فردى و اجتماعى يك چوق و يك
مهلك ضررلره باعئدر . واقعا بعض منافعى وار ايسهده اساساً كيت
و كيفيت اعتباريله يك آز اولقله برابر سريع الزوال اولديغندن ايچاق
ايلديكى ضررلرينه نسبتله هيچ منابه سنده قالير .
اتك ايچون اول امرده مسكراتك فائدلريله ضررلرينى بيان ايدوب
يكد يكر لريله مقايسه ايتك ايتيم .

مسكراتك منافعى

(وَمَنْفَعٌ لِلنَّاسِ = ناس ايچون منافعده واردر) نظم جليلى
ايله بيان بيوردليني وجه اوزره ناس ايچون مسكراتدن حاصل اولان
منافع ظاهريه : هضم طعامه مدار اولوق ، وجوده سمن و يرمك ،
اعضاي بدننه حرارت حصوله كتيرمك ، يوزه قيرميزياق و يرمك ،
كافه عضاي بدنينى انتباهه كتيرمك و بونك نتيجه ضروريه سى اولوق
اوروده انسانى همى اذواقه ، جهانى لذائذه مستغرق قيلمق كى
سريع الزوال شيلردن عبارتدر .
ايشته آنچق بو اذواق هميه ايله استلذاذ ايتك مقصديه ناس
مسكرات استعمالنه نهماك ايد يوردلر . شهوتى اويانديران نفع كاذبه

آلدانهرق اذهان عامه آنی منفعتدار برشی تلقی ایدپیور . ناسک بو اعتقاد و تلقیری اعتباریه مسکراتک نفع کاذبندن قرآن کریمده (منافع) لفظیه تعبیر بیورلمش ایسهده سعادت بشریه بی اخلال ایلدیکی ایچون بونده نفع حقیقی یوقدر .

سوزلری شایان وثوق و اعتماد اولان اطبانک بیانلرینه کوره مسکراتک محتوی اولدینی اسپرتو مادهسی معدیه داخل اولنجه ایلک وظیفهسی سریعاً طمارلره کچمکدرکه بونک تأثیر سمیسیله قان اعضای بدنه یاییلیر . هر عضو غیر طیبی اولهرق انتباهه کلیر ، وظیفهسنی کمال سرعتله ایضا ایدر . بونک نتیجهسی اولمق اوزره ذهنده کشایش ، کوزلرده رونق ، وجودده زندهلک ، معددهده استها وهضمه حاضرلق ، اعضاده قوت ، نفسده اذواق بهیمیه و لذاند جسمانیه حاصل اولور . ایشته مسکرات استعمال ایدنلرک شخصلرینه عاند منافع بونلردن بشقه برشی دکلدرد . باغچیلرک اوزوم ، فابریقه جیلرایله میخانه جیلرک مسکرات صانهرق ، حکومتک رسوم آلهرقا کتساب ثروت ایتلمری ده مسکراتک منافی جملهسندن عد اولنه بیلیر .

مسکراتک ضروری

(اِثْمُ کِبْرٍ = خرایله قارده عظیم کنانه، بیوک مضرت واردر)
نظم کریمی ایله بیان بیوردینی وجه اوزره وجوده، عقله، اخلاق و ناموسه، اقتصاده، حیات عائله، حیات اجتماعیه و دینه عاند اولمق اوزره مسکراتک پک عظیم وپک چوق مضرت و مفسدتی واردر . وجود و عقله مضرتی واردر . چونکه معدیه واصل اولان اسپرتو

ماده سنك اك سريع واك مدهش تأثيراتی قوای عقایه ایله حس و حرارت مرکز لرنده حاصل اولور. بدایتده كافة اعضا كئولك تأثيرات سمیه سیله انتباهه کلیسه ده آرزمان صكره عكس العمل ظهور ایدره رك بتون اعضا و قوای بدنیه نك فعالیتی تناقص ایدر؛ وجودده درمانسزلق، اعضاده یورغونلق، دماغده، سگیرلرده، حجیرات عضویه ده اویوشوقلق حاصل اولور. وظائف مخصوصه لرینی لایقیله ایفا ایدره مزلر. كئولك تأثيریله دماغ بوزولور، ذكا و قوه حافظه آزالیر؛ امراض عقلیه حصوله کلیه، معده و باغرض اقلرك وظیفه لری معطل اولور. قوه هاضمه محو و خراب اولور. معده خسته لقلری ظهور ایدر. كئولك تأثيریله اك اول قره جگر متأثر اولور. طبیعتی ده كیشیر. (تشمع كبد) دنیان خسته لقه، قوم و نقریس یعنی قولنج خسته لقلری حاصل اولور. كئول عصب بصری یه ده تأثیر ایدر، ضعف بصره، عمی یه سبب اولور. الحاصل حافظ و صلاحیتدار دو قنورلرك بیان ایله كاری وجهله مسكرات حسی ابطال ایدر، (امراض عصبیه و عقلیه)، (ذات الرئه)، (تشمع كبد)، (هذیان مرتعش)، (ورم) كبی بك چوق مهلك خسته لقلرك حصوله باعث اولور. آرتق بو صورتله سعادت بشریه نك اك قیمتداری اولان صحت بدنی اخلاص و عقلی ابطال ایتمش اولور.

اخلاق و ناموسه مضرتی واردر. چونكه: خالق تعالی حضرتلری حكمت باهره سیله بشره ایکی نوع قوت بخش بیورمشدر: بری قوه ملكیت، دیکری قوه بهیمیتدر. قوه ملكیت انسانی فضائل عالییه، قوه بهیمیت ایسه موجب تروی اولان رذائل و هوسات نفسانییه جذب و جلب ایدر.

فضائل عالیہ الیہ متصف بولنا تکر امراض روحانیہ دن سالم اولدقلری ایچون بشریتہ وصحت بدنہ مضر اوله جق افعال و حرکاتدن وارسته اولورلر. مساوی و رذائل اخلاق الیہ اتصاف ایدنلر ایسه امراض روحانیہ الیہ معلول بولندقلری ایچسون مضر صحت و ماحی بشریت اوله جق بیکلرجه افعال و حرکاتک مصدری اولورلر.

حالبوکه افراد بشریہ بی اعمال غیرمناسبه و افعال قبیحہ به اقدامدن منع ایدهرک کالات عالیہ به سوق ایلین انجق عقل و ذکالریدر. مسکرات تأثیریه سرخوشلق حصوله کلوب ده عقل زائل اولنجه قوه غضبیہ الیہ قوه شهویه عقلک مزاقیه و اداره سندن قورتوله رق سربست قالیر. بو فرصتدن بالا تفاعده قوه بهیمیه و هوسات نفسانیہ تک انکشافه خادم اولمق اوزره انسانی هر دورلو مساوی و فناقلرک ارتکابنه سوق ایدهرک بیکلرجه وقوعاتک صدورینه سبب اولورکه بونک امثال عدیده سی (مع الاسف) هر کون مشاهده اولنمقده در.

شو حالده دیمک اولیورکه مسکرات عقل و محاکمینی ابطال و ازاله الیہ فالغه، اخلاق سزلفه، تربیه سزلك و ناموس سزلفه مدهش صورتده جرات و یردیکندن بیکلرجه فلاکتک ظهورینه باعث اولیور.

ایشته بونک ایچوندرکه: رسول معظم [صلی الله علیه وسلم] اقدمز مسکراته (ام الفواحش، ام الحیائت، جماع الاثم) عنوانلری الیہ تماماً لایق اولدینی وصفی و یرمش، سائر انبای بشر منافعتدن بحث الیہ تعمیم و انتشارینه چالیشوب دورورکن نبی محترم و [صلی الله علیه وسلم] اقدمز اوسم قاتلک منبع رزات و مصدر ملعت اولدینی و تمامیله صاقینلما دجه آنک مضر سندن قورتولش امکان بولنمقده بی عموم بشره اعلان و تبلیغ بیورمش و اوزماندن اعتباراً مسکراتی صورت قطعیه ده حرام قیلوب منع ایتمشدر.

بعض حکما و اطبا تجربه نتیجہ سی اولمق اوزره مسکراتک ضرر لرندن بحث ایتشلر سده رسول اکرم افندمن ایله امتینک علما و عقلا سندن بشقه افراد بشر دن هیچ برکیمسه ظهور ایدوبده آنک تخریبکار ضرر لرندن عموم انسانی بشری قورنارمغه چالیشماشدر. آنجق تجربه نك تکاملی، فنک ترقیاتی الهاماتسندن اولمق اوزره دها بر قاج سنه اول آمریقایلر کندی مملکتلری خلقنی بونک مضر تسندن تخلیص ایتک اوزره قانونلر وضع ایدهرک مسکراتی منع ایتشلردر. اقتصاداً مضرتی واردر: چونکه هر انسان حلال و مشروع صورتده مال قزاعقله مکلف اولدینی کبی صرفنده اقتصاده رعایت اینمکده مکلف و مجبوردر. بناءً عایه مالک محل صرفی مقبول و مشروع اولمق لازم و واجبدر. شو حالده شرعاً حرام، عقلاً مذموم اولان شیلره مال صرف ایتک اسراف و حرامدر. مسکراته صرف ایدیلن مالده بو جمله دندر. باخصوص چولوغنک، چوجغنک نفقه سندن کسهرک مسکراته صرف ایتک قدر عظیم جنایت، بیوک کناه تصور اولنه ماز.

مسکراتک اقتصادی ضرر لری بو قدرله قالماز، اکثریت اعتباریله قما توتولندکن صکره اذواق بهیمییه و هوسات نفایه احرا ایدملک اوزره فحشخنده لره و یا خود قومار محلا ینه کیدیلرکه ایشته مسکراتک اک تخریبکار ضرر لری بوندن صکره باشلار. چشید، چشید جنجه و جنایتلر ارتکاب اولنور. بو اوغورده ملیونلرجه ثروت استهلاک ایدیلر. بو یوزدن بیکلرجه عائله لر محو و پریشان اولور.

حیات عائله یه مضرتی واردر. چونکه: مسکرات استعمالیله هوسات نفایه سنه انهماک ایتش اولان کیمسلر حقوق عائله یی حقیه ایفاء

چولووغنك، چوجقنك احتیاجنی تأمین ایدمهزله، بونلرك سفالنه سبب اولورلر، بو یوزدن عائله سیله آره سی بوزولور، کچیمسزلك باش کوسترر، رابطه زوجیه کوشهر، کونك برنده افتراق حصوله کلیر، حیات عائله تماماً پریشان اولور.

کئولدن حاصل اولان مضر تله یالکیز استعمال ایدنك شخصنه منحصر قالماز، بویله ابویندن تولد ایلین چوجقلره ده سرایت ایدر. چوجسق بو یوزدن ابویندن ارثی بعض خسته لقلره دوچار اولور. وجودی ضعیف، معلول، اخلاقی بوزوق اوله رق یتیشیر، اکثریا عیاش ابویندن عیاشلغه مستعد یعنی آرزوی فطریسی مسکرات استعمالنه متایل اولاد یتیشیر. بو استعداد بو قابلیتده یتیشن چوجقلر قولایلقله مسکراته آلیشیر، سفاهتخانه لره کیدر، آناسنی، باباسنی ازعاج ایدر، اوند، بارقده نه وارسه هپسینی صآتوب بو اوغورده مسرفانه صرف ایدر، عاقبت سفیل و پریشان اولور. بو کبی وقوعات مؤسفه نك امثال عدیده سنه هر زمان، هر مملکتده تصادف ایدلمکده در.

اجتماعی ضررلی

مسکراتك حیات اجتماعیة بشریه به يك مدهش ضررلی واردر. چونکه: (إِنَّمَا يُرِيدُ الشَّيْطَانُ أَنْ يُوقِعَ بَيْنَكُمُ الْعَدَاوَةَ وَالْبَغْضَاءَ فِي أَحْمَرٍ وَالْمَيْسِرِ = شیطان خمر و قمار ایله آره کزده عداوت و شدتلی خصومت ایقاع ایتمک ایستر.)

نظم جلیتمده بیان بیوردلینی وجه اوزره مسکرات استعمالیه حصوله کلن سرخوشلق انسانلرك بغض و عداوت طمارلرینی تهییج

وتحرك ايدەرك بين الناس غوغا، كورولتى، سب و شتم، جنايت، جنحه، افعال قبيحه، اعمال منيه، احوال مذمومه نك وقوعه كليشندە اك، دھش عوامل مؤثرە دن اولديني ايجون مصالح عامه يي اخلال ومضرت عموميه يي استلزام ايدر. آنك ايجون عياشلك عالم انسانيتە فائده لرندن زياده ضرر لري دو قانير.

آوروبادە طوتيلان ايستانستيقره نظراً هر اون وقوعه كلمكده اولان وقايع جنايه نك يوزده (۷۰-۹۰) نسبتندە عياشين طرفندن ايفاع ايدلمكده اولديني آ كلاشلمشدر.

استانبولده حبسخانه عمومي مديرتي طرفندن ۱۳۳۹ سنه سنندە طوتيلان ايستانستيقه نظراً سنه مذكوره طرفندە حبسخانه عمومي يه داخل اولان محكومينك مقداري (۲۵۷۵) اولوب بونلردن (۱۱۲۵) ي يعني همان ياريسي يومي وسطى اوله رق (۱۰۰) درهم راقى ايجنلردر. ديمك اوليوركه هر كون هتك عرض، جرح، قتل وسرقت كبي جرائمى ايفاع ايدنلردن اكثر يسنك سرخوش اولدقلى آ كلاشلمقده در. مملكتمزده مسكرات يوزندن ايفاع اولنان مضرتلره كانجه بعض سفها ايله آوروباليلر، خرستيالر مملكتمزده شهرلره، كويلره صوقوله رق مسلمانلري اولامق ايجون منبع سفالت، مصدر رزالت اولان ميخانه وكارخانه لر آچيورلر؛ مدنيت كسوه سي آلتندە كويا مدنيتك لازم غير مفارقي ايمش كبي وجوده كتير دكلري بويه مغل فضيلت، ماحي بشريت سفيل مؤسسە لر واسطه سيله بر طرفندن سكرك تحريك شهوت واعطاي سباحت ايجمى خاصه سنندن بالاستفاده اهالى اسلاميه يي صوبيورلر، ثروتلرني آليورلر؛ ديكر طرفندن ده اك زهرلى وتخريبكار مسكرات اعمال وفروخت ايدەرك مسلمانلرك وجودلرني احما وعقل وذكالرني ابطال ايديورلر.

حکومات سالفه ایسه دین و ملت نامنه عهده لرینه آله قلمی تکالیف شرعیه و وظائف ملیه ایله غیر قابل تألیف اولدیغنی درخاطر ایتمه رک میخانه و کارخانه جیلره مساعده ایدوب ملت و خلق دشمنی اولان بو سیناتک اهالی اسلامیه آره سنده تعمم و توسعه مظاهرت ایدیورلردی. حالبوکه تعهد ایلدکلی وظائف ایفا ایچون آمریکا لیردن باری عبرت آلملری لازم کلیرکن بو جهتی خاطر لرندن بیله کچیرمیورلردی .

تشکیلات اساسیه قانونی موجبجه دیانت جلیله اسلامیه ایله لوازمی درعهده ایتش اولان حکومت جمهوریه منر ایسه نه آوروپانک بشریتی تخریب ، فضیلت احلاقیه بی احما ایلین مدنیت سفیهانه لرینه ، نه ده سفیه و شهوت پرست برطاقم اسافلک تمایلات لعینانه لرینه اضلا التفات ایتمه رک تعهد ایلدیکی وظیفه دینییه و ملیه سی کمال عزم و متانتله ایفا و تطبیق ایتمک اوزره مسکراتی منع ایدوب جهاد اصغرده جهانه وله و حیرت و یرن مظفریت عظیمه سندن صکره بتون مسلمانلری مستغرق سرور و مدیون شکران قیله حق بر جهاد ا بره کیریشمشدرکه بوکی بالعموم مجاهدات دینداران لرنده موفقیتنی کمال خلوصله جناب حقندن دیله رز.

(مسکراتک دینی ضررلری)

مسکرات دیاتجده بک چوق ضررلری مستلزمدر . چونکه
(وَیَصُدُّكُمْ عَنْ ذِکْرِ اللَّهِ وَعَنِ الصَّلَاةِ = خمر و قمار بیبیله
شیطان سزنی ذکر اللهدن و نمازدن آلقومیق ایستد)

نظم میننده بیان بیورلدینی وجه اوزره استعمال مسکرات انسانی ذوق بهیمی به مستغرق قیلمق سببیله ذکر اللهدن ، نمازدن ، سائر وظائف